

陝西府縣志輯 ③⑦

隴州志序

古者封建五等諸國皆有史以紀政後世罷封建為州郡亦必有圖志以具述其事蓋以疆域既殊風俗各異山川

隴州志

序

有險要阨塞之當備州郡有建設割隸之不常至於一士之行一民之謠皆有不可泯焉者非筆之於書則不能也周禮職方氏掌天下圖籍辨

其邦國都鄙蠻貊羗翟之人

民稽其田里戶口貢賦財用

之數要至於九穀之所宜六

畜之所產未嘗不佔畢而紀

其詳今夫隴雖叢陋關山蔽

隴州志

序

虧汧河蕩駛固勢勝之地也

況自非子崧起主馬蕃息到

為附庸秦業基之嗣是襄公

以兵送平王文公遂有周之

餘民開疆啟土氣勢勃興始

皇混合區宇特表隴為秦之
西門勢綦重已迨後歷代名
臣祭遵來歙常舉馮遂諸公
皆以扼形勝制險要奏厥膚
功抑何雄歟即自甲寅寇變

隴州志

序

三

王師壁壘咸關扞蔽三載卒能
殲狂醜於回中殛巨慙於隴
抵率皆居險出奇為制勝之
術隴誠叢疆重地繫乎全秦
之安危辟之身為咽喉呼吸

之官辟之家為鎖鑰關鍵之
固也所關豈淺歟哉我
聖天子奄有九圍式臨萬國彙
輯王會之輿圖創垂一統之
大業壬辰冬

隴州志

序

四

特命禁臣輯軒瀝止丈量道里
繪畫山川取質志書憑為傳
信而隴志闕如無所徵攷竊
惟承乏是邦則凡政治之得
失風俗之盛衰與夫典章載

籍禮樂詩書皆其職也而獨使志乘淪亡方策具失抑非守土之責歟顧慚學植荒落無作史之才與論史之識曷克有當惟以責任斯專又弗獲以淺陋辭於是蒐其殘篇輯其遺簡且詢之羣儒訪之耆舊周爰諮度歷暮月而編成按圖披覽星躔不改而沿革異也城郭不殊而廬舍易

也流峙不變而風習遷也名達高賢之日以崢嶸而忠孝節烈之日以霜冽也藻苑詞壇往者或有珠遺而今則瑩然璧合也生齒之昔耗而今漸滋田賦之昔蕪而今漸闢也險阻備飭戎事修矣損益因時官師整矣登耗可稽利澤溥矣幽隱畢彰人神順矣盡倫盡制胥具於斯是役也

詎敢竊附於外史之林博雅
之作幸值

聖主以道化成禮明樂備之時
不能鼓吹休明頌賜功德是
以固陋之耻也庶幾網羅放

失勒為成書籍手

昭代名公鉅卿獻之

當寧以待珥筆之採納使西鄙
之事瞭如指掌凡夫控制之
方撫綏之道各得其勢勝之

所宜則此志可備

盛朝史冊之信徵寧僅屬一方
之紀事已也若夫州之人士
因其盛衰攷其得失善善惡
惡感發創懲俾風氣日益道

上為關中一大都會則尤不

能無厚望也夫

省

康熙五十二年歲次癸巳中

秋奉直大夫知隴州事加

一級錢塘羅彰彞序



序

九

序

昔大禹既奠高山大川爰
作禹貢一篇紀山水田賦
貢篚而周禮職方氏掌天
下之圖以周知字內之利

序

害大要皆本之禹貢迨司
馬氏作史記始變春秋紀
年之例創為列傳及禮樂
河渠平準諸書班氏又作
志則郊祀食貨地理溝

洺藝文如詳焉其後代必有史郡邑必有志發凡起例蓋本諸此夫豈苟焉而已哉三秦皆禹貢雍州之域而鳳翔郡為三秦之一

所屬八州邑漢唐以後沿革屢矣稽其形勝實為秦蜀之衝而隴州居郡城以西左隴山而右汧河面五峯而枕靈谷其地更為要

害按圖覽志庶幾可考而知歲癸巳春季予奉

憲委代庖鳳郡入境之初頗得各志披閱之而隴志獨闕如詢厥所由蓋自今

以前五十餘年原無成書雖有殘編斷簡後凋落于兵戈灰燼之餘徒付之浩歎而已迨恭建

萬壽醴壇有事

吳山後復陪侍

欽使致祭

吳山之神兩過隴境見其
山川奇麗兼以田疇繡錯
人物淳龐于此覘風俗之

隴州志

序

附

大凡即知守土者之美政
也同寅羅君武林宗匠久
矣領袖詞壇刺隴以來政
通人和庶事畢舉因志乘
之缺畧慨然于文獻之無

隴州志

序

五

微彈意沉思旁蒐博採輯
成如千卷于秋中之朔吉
脫稿郵寄且囑弁言于簡
端予惟志也者紀其實也
與史異名而同體也予自

入關中嘗借觀西安屬鄠
近各志如康對山之武功
王漢陂之鄜呂涇野之高
陵韓五泉之朝邑爲三石
之耀孫立亭之富平皆先

輩著作鉅手以秦人志秦
地體裁殊足可觀其餘官
師之記載止憑之簡牘增
美歸回無暇覈要而擇精
未免循名而失實今讀此

編直與對山諸公相為並
駕豈非不朽之書耶且不
費民力捐資剏厥將不日
落其成下以脩學士大夫
之博覽上以供

大清一統志之採擇其間條
分縷晰訓詞爾雅所以示
懲勸昭來茲有關於世道
民風之大又不待予言之
瑣也

康熙五十二年歲次癸巳
八月上浣奉直大夫代理
鳳翔府事西安府乾州知
州如一级廣陽白訥拜手
撰并書

隴州志序

夫書以紀事理也必需乎才有其才而濟之以學繼之以殫精竭力雖一草一木著作昭垂而况志之爲書古今悉脩鉅細畢彰隱顯具載即在州邑亦爲

隴州志
國家方策攸關斷非庸才所能猝辦

者余服古入官承乏佐隴見夫山川如此田賦如此人物土風如此城郭倉庾關梁壇刹亦復如此而故家遺政之餘芳忠孝節烈之盛蹟概亦不乏今昔同不同未可知於志是問杳乎其不可覩矣欲起而脩明自量才學精力不能窺豹

一斑滋愧而有待辛卯歲

堂臺羅公以浙左名宿當世雄才來刺隴右整綱飭紀政洽化流庶績已敷於此日而表章尤著於將來慨然州志之淪亡萃薦紳咨黃髮黼文章之盛屬余勦厥事余雖不堪勦筆之役而且樂爲觀成書既竣捧而閱之山川如此其昭昭矣田賦如此其井井矣人物土風如此其表表矣城郭倉庾關梁壇刹如此其彰明故家遺政忠孝節烈如此其較著矣不禁欣然而慰曰其爲古今之悉脩鉅細之畢彰

隱顯之具載而無間然者雖屬一

州之志而於以脩我

聖朝輶軒之採爲方策之垂洎足徵

也而不寧維是顧是書也俾一展

卷如入萬花之谷登群玉之峯遊

五都之市衆寶畢陳千秋在目其

良工心苦繼述功高殆才以發之

隴州志

序

三

學以成之精以結之力以充之是

以吐辭成章立言明理播之當世

而可法傳之奕禩而可久也歟余

獲躬逢其盛附名於斯志之末不

可謂非幸也爰是述其始末云

康熙五十二年歲次癸巳菊月儒

翰林郎同理隴州事加一級鉄嶺

黃士璟敬題

隴州志

隴州志

隴州志

隴州志

隴州志

隴州志

隴州志

序

四

黃

隴州志

隴州志

隴州志

隴州志

隴州志

隴州志

隴州志

隴州志序

天下之山川天下之文章也山川有竟乎無竟也足未經輿圖之廣目未覩風土之盛未嘗不嘆山川無竟而文章亦無竟也余家青門澧渭湯湯終南蠡峙竊擬爲山川奇勝文章天巧也廼秉鐸隴右厲涉汧水游焉息焉而且忘其爲高流焉者朝來爽氣環峯叢翠也暮寒蕭蕭羣流潌潌也

覺胸中目中已不作疇昔觀迨履吳山涉五峯峭壁秀明咽流瀑布龍門景福清涼勝地令人心曠神怡溫水一泓牛心片石徘徊其下久之不忍去毋俟徧五嶽歷四瀆已恍然天地之山川自然之文章矣至若古蹟勝槩建置土賦人文蔚起其殆山川之協應歟非謀古通今淹貫時事建言立論可寶金鑑不能筆之以昭垂不朽也

余制義拘儒相牽帖括纂修之願顧有志而未逮刺史

羅公以澍水偉人來牧茲土經濟文章雙美無嫌政事之暇興思州志慨然而嘆曰州有志猶國有史也斯志將安在蓋緣吳逆之變戎馬滿關山生民遭塗炭兵燹燼餘志乘俱爲殘缺矣迄於今山河如故城郭依然土田中荒而今復闢生齒中衰而

今復盛財賦之盈縮風俗之奢儉以及忠孝節烈薦紳先生之表表當時者皆畧焉弗載嗟嗟州志不備文獻無徵千年長夜矣於是咨之薦紳耆老搜之斷簡殘篇彙爲一州之志條晰覲縷釐然畢舉徵實以昭往蹟備著以示來茲煌煌乎黃鐘大呂法三代之遺言垂不朽之世業不特山川之異文章之用卽此一卷之書今古載焉

抑亦可以用之無窮推之不竭矣余不敏
倡教百里欲贊一辭而不能矧志史書也
非經世鴻才不敢漫擬余復何言第就平
日所閱歷乎山川者如是也因山川竊見
夫文章如是也因文章而愈思夫山川之
無竟與文章之無竟如是也展斯志也舉
古今全隴瞭若列星則凡山河城郭土田
生齒財賦風俗以及忠孝節烈薦紳先生

隴州志序

三

郭

宛然在目俾披閱之下恍然進一大觀矣
倘得所在皆然從几席之上不可周知天
下之大古今之故哉余欣慕不置而表章
之責亦名教所弗容辭是以敢爲之敘
康熙五十二年菊月隴州學正加一級青

門郭述璞敬題

隴州志序

郡邑之有志猶國之有史也史有三長曰
才曰學曰識非其人焉不敢任其責今隴
與雍岐相接延袤數百里其間若田賦若
戶口若山川風土人物以及昆虫草木之
蕃滋器用財賄之饒裕皆所必書以備職
方之採往者郡伯黃公纂成卷帙去今五
十餘年中遭兵燹什無一存雖有守土之

隴州志序

二

三

賢欲起而修明之以其時之擇而不詳與
其後之遺而不錄每苦於考據之無因亦
惟有付之咨嗟嘆息已耳自非才學識三
長兼備者不能彙成一書使開卷之下瞭
如指掌也今郡伯

羅公以閱閱世家經濟宏才奉

命來牧茲土剔弊恤殘愛民養士政教遍洽
人心民誦堪編周雅茲復加意州志慨然

以纂修爲已任用是討論蒐輯訪之故老
索之殘編手書晷月而成卷帙捐俸剞劂
以盡表章甚盛善也昔三閭居楚沅芷湘
蘭皆附離騷以傳今郡伯有

公而凡隴之一草一木皆有厚幸矧夫田
賦之荒闕戶口之盛衰山川人物風土之
因革有不藉以彌昭也哉至考核詳明編
次釐定條分縷析井然不紊開卷披帙瞭

隴州志

序

二

馬

如指掌則

公之善政偕

公之苦心與斯志并垂不朽矣余秉鐸隴
右才淺學疎識拘坐井今幸窺董狐之傳
筆附春秋之遺旨故不揣鄙陋擗管而誌
其事云

康熙五十二年菊月隴州訓導加一級鹿

苑馬和義敬題

隴州志跋

先儒有言曰生民之休戚視守令之賢否
所謂賢守令者不特一時之教養措施悉
洽也凡有裨於民生風化昭往蹟示來茲
欲期無遺而後已必且謀厥載籍以備觀
型而垂經久庶政治於是乎成自俗吏相
沿簿書刑名之外槩置勿問政教不修何
有載籍宜其視爲不急而聽其散軼無徵
也隴之有志由來舊矣兵火後付之灰燼
順治辛丑閩中黃公來蒞茲土慨然起而
創修之而一州之典已得其梗槩無何又
遭甲寅之殘燬簡無存方策莫考闕事
孰大焉惟州有志猶國有史史掌於史官
日有錄歲有紀政有書郡邑得人則志修
否則廢志廢則事皆逸文獻不足徵矣豈
細故哉錢塘

隴州志

跋

一

羅公今守吾隴鴻才偉畧德盛化神朞月
間振綱布紀庶績維新百度具舉州治頓
改舊觀而政事之餘復愴乎郡志之缺勞
心博採諮之耆老索之殘篇舉凡憲章典
則政教綱維山川土田鳥獸草木罔不抉
摘蒐羅夜以繼晝手書彙輯成編捐俸剞
劂以傳不朽俾後之披閱者睹忠孝而愛
敬生觀節義而貞烈起其有益於風化者

良匪淺鮮而且覽境域之盛槩知田賦之
虛盈識物產之生植全隴輿圖古今在目
苟非德業宏遠才識淹通何能政事文章
卓卓若是是不特爲一時之計而直爲經
久之模矣他日采風陳俗於茲志也其有
厚賴也與

康熙五十二年歲次癸巳桂月下浣之吉
郡人閻璫頓首謹啟

纂志姓氏

纂修

隴州知州加一級羅彰

松山浙江錢塘貢監

同修

隴州同知加一級黃士璚

雅宋奉天鐵嶺官生

隴州儒學學正加一級郭述

璞長安舉人晉卿陝西

隴州儒學訓導加一級馬和

義方公陝西高陵歲貢

參訂

州恩貢閻璫

隴州志

卷之四

姓氏

原任府谷縣訓導州歲貢張士俊

州選貢王幸學

州歲貢劉新命

州歲貢張旋

州歲貢閻永清

州歲貢馬錫庶

討論

州歲貢溫粹

州歲貢張文懋

州 歲 貢張文憲

州 歲 貢李若桂

州 歲 貢馬千雲

州 歲 貢閻克承

州 歲 貢閻雍

州 恩 貢馬奇生

采訪

州 廩 生閻御錄

州 廩 生李枝秀

州 廩 生李宮植

州 廩 生閻萃

較閱

州 廩 生鄭可大

州 廩 生妙超

州 廩 生王縉

州 廩 生姚覺世

督工

長寧驛驛丞加一級楊景昂

修志引

夫州志僅一方之言其重至與國史等太史氏徵文獻而采風謠恒有取焉奈隴志殘缺五十餘載簡編遺亡事蹟莫攷不獨觀風問俗者無所諮諏而其間戶口之增除賦役之繁簡利弊之興華人文之盛衰與夫孝子順孫義夫節婦盡皆湮沒無傳良足慨已訪之閭閻及今尚有老成髣髴記憶猶可序述若勿採輯成篇勢漸淪亡必至荒蕪榛莽一無足徵矣寧不惴惴滋懼特以周詢閩州紳士耆老凡我隴州或有歷古未載之逸事以及今茲五十餘年之見聞各述所知共相參酌纂輯一書存之永久使後之人觀前言往行有擇善是從之則未必無補於隴地之聲教雅化也

錢塘羅彰彝啓